

Morning Dogri (NSD) National News Bulletin 09-01-2025

आकाशवाणी

1. प्रधानमंत्री नरेन्द्र मोदी होर अज्ज ओडीशा च 18में प्रवासी भारती दिवस सम्मेलन दा औपचारिक तौर पर उद्घाटन करडन।
2. भारत दे विदेश सचिव ते अफगानिस्तान दे कार्यकारी विदेश मंत्री होरें दुबई च दपक्खी सरबंधें ते इलाकाई घटनाएं कन्नै सरबंधत बक्ख-बक्ख मुद्दें पर चर्चा कीती।
3. इसरो नै स्पैडेक्स मिशन दे तैहत धरतै दी हेठली कक्षा च घुम्मा करदे अपने द'ऊं उपग्रहें दी डॉकिंग आजमाईश गी इक बारी फही अगड़ा पाई दित्ता ऐ।
4. तिरुपति च टोकन जारी करने दरान मची दी नस्सपज च 6एं लोकें दी मौत ते 40 जने जख्मीं होई गे न।
5. हॉकी च हैदराबाद तूफान्स दी टीम नै यूपी रुद्राज पर 3-सिफर कन्नै बड़ी महत्वपूर्ण जित्त दर्ज कीती ऐ।
6. उत्तर भारत दे मते सारे हिस्सें च सीत लैहर जारी ऐ। मौसम विभाग नै खित्ते दे तापमान च होर कमी दे असार जताए न।

<><><><><><>

PM

प्रधानमंत्री नरेन्द्र मोदी होरें भुवनेश्वर दे जनता मैदान च अज्ज 18में प्रवासी दिवस सम्मेलन दा औपचारिक उद्घाटन करगंन। मोदी होर कल संजा भुवनेश्वर पुज्जे हे। उंदा सुआगत ओडिया दे राज्यपाल हरि बाबू कम्भमपति, मुख्मन्त्री मोहन चरण मांझी ते केन्द्रीय मंत्री धमेन्द्र प्रधान होरें कीता। 18में प्रवासी भारतीय दिवस सम्मेलन दा आयोजन ओडिशा सरकार दे सैहयोग कन्नै 8 थमां 10 जनवरी तगर भुवनेश्वर च कीता जा'रदा ऐ। एह सम्मेलन भारतीय मूल दे लोकें गी इक दुए कन्नै जुडने दा इक मंच प्रदान करदा ऐ। 50 थमां मते मुख्खें दे प्रतिनिधिएं इस सम्मेलन च हिस्सा लैने लेई पंजीकरण करोआया ऐ। इस सम्मेलन दा विशेषार ऐ-विकसित भारत च प्रवासी भारतीयेंद ा योगदान, राष्ट्रपति द्रौपदी मुर्मू होर इस सम्मेलन च हिस्सा लैने लेई अज्ज संजा भुवनेश्वर पुज्जगंन। राष्ट्रपति होर बक्ख-बक्ख क्षेत्रें च प्रवासी भारतीयें गी उंदी उपलब्धिएं आस्तै सम्मान भेंट करगंन। आकाशवाणी दिल्ली प्रवासी भारतीय दिवस दे उद्घाटन कार्यक्रम पर ऑफ ट्यूब कमेंटरी प्रसारत करोग। श्रोता

इसी 9 बज्जियै 55 मिंटे पर दन्द्रप्रस्त, एम.एफ गोलड ते आकाशवाणी लाईव न्यूज 24 X 7 पर सुनी सकदे न। इस कार्यक्रम गी आकाशवाणी दे यूट्यूब चैनल, आकाशवाणी एयर पर प्रसारत कीता जाग।

<><><><><><>

President

राष्ट्रपति द्रौपदी मुर्मू होर अज्ज थमां मेघालय ते ओडिशा दे दौरे उप्पर होंगन। राष्ट्रपति होर मेघालय दे अभियम च आईसीएआर अनुसंधान परिसर दी स्वर्ण-जयंति समारोह च शामिल होंगन। कल राष्ट्रपति होर ओडिशा दे भुवनेश्वर च 18में प्रवासी भारतीय दिवस सम्मेलन दे समापन सत्र च बी शामिल होंगन ते प्रवासी भारतीय सम्मेलन पुरस्कार प्रदान करगंन।

<><><><><><>

India Afghanistan

विदेश सचिव विक्रम मिसरी ते अफगानिस्तान दे कार्यकारी विदेश मंत्री मावलावी आमीर खान मुत्ताकी होरें कल दुबई च दपक्खी सरबंधें ते इलाकाई घटनाएं कन्नै सरबंधत बक्ख-बक्ख मुद्दें पर चर्चा कीती। विदेश मंत्रालय नै इक बयानै च आखेआ ऐ जे इस बैठक च विदेश सचिव होरें दौनें मुख्खें दे बसनीकें दे सम्पर्क ते अफगानिस्तान दे लोकें दे कन्नै भारत दी ऐतिहासिक दोस्तरी दा जिक्र कीता। उनें अफगानिस्तान दे लोकें दी हाल दिएं घटनाएं कन्नै सरबंधत फौरी जरूरतें गी लेइयै प्रतिक्रिया दस्सने दी भारत दी तैयारी थमां अवगत करोआया। दौनें पक्खें भारत दे जारी मनुक्खी सहायता कार्यक्रमें दा बी मूल्यांकन कीता। अफगानिस्तान दे कार्यकारी विदेश मंत्री होरें अफगानिस्तान दे लोकें दा समर्थन करने ते सम्पर्क गी जारी रक्खने लेई भारती नेतृत्व दे प्रति आभार व्यक्त कीता ते सराहना बी कीती। विकास गतिविधियें दी मजूदा जरूरतै गी दिक्खदे होई अफगानिस्तान च जारी मनुक्खी सहायता कार्यक्रम दे अलावा भारत नेइमे भविक्ख च इसी विकास परियोजनाएं कन्नै जोड़ने पर बी बचार करोग। इस बयाना च आखेआ गेआ ऐ जे अफगानिस्तान दे लोकें दिएं जरूरतें दे मद्देनजर भारत नै अफगानिस्तान लेई मनुक्खी सहायता च विस्तार करने दा फैसला लैता ऐ। भारत नै हूनै तगर 50 ज्हार मिट्रिक टन कनक, 300 टन दवाइयां, 27 टन भूंचाल सरबंधी राहत समग्री ते डेढ करोड़ कोविड टीकें दी खुराक सने केई चीजां भेजियां न। एहदे अलावा, भारत नै अफगानिस्तान गी नशीले पदार्थ थमां छुटकारा दोआने मतल्लक कार्यक्रम

लेई 11 जहार इकाई हाइजीन किट्टां, गर्म कपड़े दिआं 500 इकाईयां ते 1 इशारिया 2 टन स्टेशनरी किट्टां बी भेजिआं न। अफगानी पक्ख दी गुजारिश पर भारत शरणार्थियों दी आबादकारी ते सेहत खेत्तर च होर समग्रियों दी सहायता प्रदान करोग। दौनें पक्खें अफगानिस्तान दी युवा पीढ़ियों लेई महत्वपूर्ण खेड्ढ सैहयोग गी सशक्त करने पर बी चर्चा कीती।

<><><><><><>

ISRO Spadex

भारती अंतरिक्ष अनुसंधान संगठन— इसरो नै स्पैडेक्स मिशन दे तैहत धरतै दी हेठली कक्षा च घुम्मा करदे अपने द'ऊं उपग्रहें दी डॉकिंग आजमाईश गी इक बारी पही अगड़ा पाई दित्ता ऐ। अंतरिक्ष एजेंसी नै अपने ट्वीट में च आखेआ जे द'ऊं उपग्रहें बश्कार बड़ा मता फर्क आई जाने पर डॉकिंग गी अगड़ा पाने दा फैसला लैता गेआ। इसरो गी दौनें उपग्रहें बश्कार मते फर्क दा पता तदुं लगा जेल्लै ओह दौनें दे बिच्चै दे छिंडे गी 225 मीटर तगर घट्ट करने दी कोशश करै करदा हा। इसरो नै पैहले उपग्रहें दी डॉकिंग 7 जनवरी ते ओहदे परैन्त अज्ज तय कीती ही। उपग्रहें बश्कार बड़े मते छिंडे दे चलदे इसरो नै समें सीमा च बदलाव कीता ऐ, जेहदा ऐलान तौले गै कीता जाहग। ट्वीट च आखेआ गेआ ऐ जे उपग्रह एस.डी.एक्स.01 गी चेजर ते एस.डी.एक्स.02 गी टार्गेट दे नांS कन्नै बी जानेआ जंदा ऐ। इसरो नै आखेआ ऐ जे दौनें उपग्रह सुरक्षित न ते सामान्य ढंग्गै कन्नै कम्म करै करदे न। इसरो नै पी.एस.एल.वी—सी60 रॉकेट राहें जंदी 30 दिसंबर गी उपग्रहें गी उंदी निर्धारित कक्षा च कामयाबी कन्नै स्थापित करी दित्ता हा। 220 किलोग्राम वजनी दौनें उपग्रह धरतै थमां 475 किलोमीटर दी ऊंचाई पर परिक्रमा करे करदे न। भविक्ख दे चंद्रयान-4 ते भारती अंतरिक्ष स्टेशन ज्नेय मिशनें लेई डॉकिंग ऑपरेशन बड़ा जरूरी ऐ। सैटेलाइट सर्विसिंग, अंतरिक्ष च सैटेलाइट दी मरम्मत ते स्पेस स्टेशन संचालन लेई ऐकड़ी तकनीक दी लोड होंदी ऐ। आजमाईश कामयाब होने पर भारत इस तकनीक गी हासिल करने आह्ला दुनिया दा चौथा मुल्ख होग।

<><><><><><>

Tirupati

आंध्रप्रदेश दे तिरुपति च नस्सपज करी 6 लोकें दी मौत होई गई ऐ। एह हादसा 10 थमां 12 जनवरी गी वैकुठ एकादशी दर्शन लेई टोकन जारी करने आले काउंटर उप्पर होआ। इस नस्सपज च घायल होए दे 40 लोकें गी अस्पताल भर्ती कराया गेआ ऐ। मुखमंत्री एन.

चन्द्रबाबू होरें घटना उप्पर गैहरा बसोस जाहर कीता ऐ। तिरूमाला तिरूपति देव स्थान दे अध्यक्ष बी.आर.नायडू होरें बी इस हादसे उप्पर दुख व्यक्त कीता ऐ। प्रधानमंत्री नरेन्द्र मोदी होरें बी आंध्रप्रदेश दे तिरूपति च होई दी नस्सपज दे हादसे उप्पर दुख जताया। इक सोशल मीडियो पोस्अ च प्रधानमंत्री होरें गलाया जे उंदी संवेदना, उनें लोकें कन्नै न, जिनें इस हादसे च अपने नेडुमें मोआए न। मोदी होरें घायलें दे तोले नरोए होने दी प्रार्थना कीती। उनें गलाया जे राज्य सरकार दे प्रभावत लोकें गी हार संभव मदाद प्रदान करा'रदी ऐ।

<><><><><><>

I&B Minister Song

सूचना ते प्रसारण मंत्री अश्विनी वैष्णव होरें नमीं दिल्ली च महाकुंभ गी समर्पित आकाशवाणी ते दूरदर्शन दे द'ऊं बशेश गीतें दा लोकार्पण कीता। आकाशवाणी दी विशेष संगीत रचना ते गीतें आहली पेशकारी, महाकुंभ दे आध्यात्मिक, सांस्कृतिक ते धार्मिक महत्वै दा परिचय करेआंदी ऐ। इस गीत गी रतन प्रसन्ना होरें गाया ऐ ते संगीत संतोष नाहर ते रतन प्रसन्ना हुंदा ऐ। आकाशवाणी दी मधुर प्रस्तुति च महाकुंभ दी शाश्वत परंपराएं ते पवित्तरा दे महत्व गी व्यक्त कीता गेआ ऐ। एहदे कन्नै श्रोताएं च भक्ति ते गर्व दी भावना पैदा हुंदी ऐ। दूरदर्शन आसेआ तैयार थीम गीत "महाकुंभ है" गी पद्मश्री कैलाश खेर होरें गाया ऐ। इस मौके उप्पर प्रसार भारती दे अध्यक्ष नवनीत कुमार सहगल, मुख् कार्जकारी अधिकारी गौरव द्विवेदी, दूरदर्शन दी महानिदेशक कंचन प्रसाद ते आकाशवाणी दी महानिदेशक डॉ. प्रज्ञा पालीवाल गौड़ बी मजूद हिआं। महाकुंभ दा आयोजन 13 जनवरी थमां 26 फरवरी तगर प्रयागराज च होआ करदा ऐ।

<><><><><><>

MP Gadkari

केन्द्री सिडक, ट्रांसपोर्ट ते जरनैली सिडकें सरबंधी मंत्री नितिन गडकरी होर अज्ज मध्य प्रदेश दी इक दिनै दी जात्तरा पर रौंहडन। इस दरान ओह इंदौर च चलै करदी बक्ख-बक्ख सिडक परियोजनाएं दी समीक्षा करडन। ओह इस मौके पर 'बाजा साई इंडिया 2025' प्रतियोगिता गी शुरु करोआडन। 'बाजा साई' सोसाइटी ऑफ ऑटोमोटिव इंजीनियर्स इंटरनेशनल आसेआ आयोजित कीती जाने आहली इक मुकाबलेबाजी ऐ। एहदे च युनिवर्सिटी दे विद्यार्थियें दिआं टीमां उबड-खाबड रस्ते दे मुआफक लौहकी ऑफ-रोड कारें दा डिजाइन ते निर्माण करदिआं न। श्री गडकरी होर इन्दौर च राष्ट्री जरनैली सिडकें सरबंधी प्राधिकरण

दे अधिकारिएं कन्नै इक बैठक बी लाडन ते जारी कम्मं दी समीक्षा करडन। इंदौर दे दौरे दरान गडकरी हुंदा श्री नाथ मंदरै च मत्था टेकने दा बी कार्यक्रम ऐ।

<><><><><><>

Hockey

हॉकी इंडिया लीग च उचड्रेग पिलकर जिप जानसेन दी शानदार हैट्रिक कन्नै मतिलनाडू ड्रैगनस नै अीम गी गोनासिक गी 6-5 कन्नै हराई दित्ता। राउरकेला च खेड्डे गेदे इस मैच च जित्त कन्नै तमिलनाडू ड्रैगन्स 9 अंके कन्नै अंक तालिका च दूई थाहर उप्पर पुज्जी गेदी ऐ। दुए मैच च हैदराबाद तूफान्स नै यू.पी.रूद्रास गी 3-सिफर कन्नै हराइयै अपनी पैहली जित्त दर्ज कीती ऐ।

<><><><><><>

Weather

मौसम विभाग नै उत्तर भारत च अगले किश दिन सीत लैहर जारी रौहने ते तापमान दे चिगडने रौहने दी पेशगोई कीती ऐ। विभाग हिमाचल प्रदेश, पंजाब, राजस्थान, पच्छम मध्यप्रदेश, जम्मू कश्मीर, लद्दाख, गिलगित, मुज्जफराबाद च अगले दऊं दिने ठंड दे प्रकोप दे जारी रौहने दा अनुमान जताया ऐ। मौसम विभाग नै अगले दऊं दिने दरान पंजाब, हरियाणा, चंडीगढ़, दिल्ली ते उत्तर प्रदेश च घने थमां बडे मते घने कोहरे दी स्थिति दा बी अनुमान जताया ऐ। धुंध करी उत्तर भारत च ट्रेनें ते हवाई डोआरिएं दी सेवा उप्पर बी असर पवा'रदा ऐ। 25 ट्रेनां ते 50 हवाई डोआरियां अपने तैह समे थमां देरी च चला'रदियां न।

<><><><><><>